

Dem Ehrnvesten Fürnemen Herrn Caspar  
Bttenhouer/ Bürger in Nürnberg/ meinem  
besonders günstigen guten Freund/ re.

**G**Seind vor wenig Jahren 2. Tractatlin von dem Circulo  
proportionali in offnem Druck aufkomen/ eins von M. Levino Holsio  
zu Francfurt Anno 1604. in Teutscher/ das ander von Philippo Hor-  
cher der Arznen Doctore zu Meins/ An. 1605. in Lateinischer Sprach. Jener  
lehrt vnd vnderricht/ wie man den proportional Circul recht/ wol vñ nutzlich ge-  
brauchen: dsser aber/ neben dem Gebrauch vnd Nutz/ wie er nach geometrischer  
Kunst gmacht vnd außgetheilt soll werden. Solche art vnd weis aber ist nicht als  
lein schwer/ lang/ vnd mühsam/ sonder wirkt auch mischlich verrichtet. Darum hab  
ich im 1608. Jahr den Ehrwürdigen vnd Wolgelehrten M. Georgium Galges  
mair Pfarrer zu Haunsheim freundlich ersucht vnd gebetten/ ob er nicht/ wie bis  
daher in andern Instrumenten von ihm beschehen/ efn andere vnd leichtere weis  
möchte finden/ nach welcher auß das allerschlechtest/ kürhest vñ einfältigest/ doch  
auß gutem geometrischen fundament, derselbige bald vnd gewiß könnde außge-  
theile vnd außgetragen werden. Welches er sich alsbald erbotten/ vnd nachvol-  
genden calculum erfunden/ auf welchem ein jeder/ der nur Teutsch lesen/ vñ mit  
dem gemeinen Handcircul vmbzugehu weist/ den künstlichen Proportionalcir-  
cul in wenig Stundēn wirkt könne außtheilen vnd außzeichnen. Auf solchem cal-  
culo ist im ein anderer Proportionalcircul, den er ein Schregmes neint/ können:  
ja derselbige ist das fundament vnd grund des ersten Proportionalcirculs, wel-  
cher Iusto Byrges zugeschriften wird. Solche Tafel haben etliche der Kunst Lieb-  
haber bey mir ersehen/ vnd entweder ein Abschrift/ oder auch ein publication  
derselbigen begert/ das ich für mich zu thün bedenkens getragen: hab aber obge-  
dachten Herrn Galgemair deswegen freundlich ersucht/ mir zu erlauben/ solche  
in Druck kommen zu lassen: welches er gütwillig vergnügt: auch damit diß Werck  
in dem Künstler desto angeneher wer/ auß mein beger/ etlich wenig Nutzen des  
beschriben: die andere kan jeder auß Holsio oder Horcher nemmen.

Dieses schön/ nutz/ vnd künstlich Tractatlin hab ich E. E. wollen dedicirn,  
weil mir wol bewusst/ daß sienst allein ein sonderliche Züniigung zu dsser schönen  
Kunst tregt/ sonder auch der autor ir selbsten wol bekandt/ verhoffend/ sie werd es  
in vngütem nit vermercken/ sonder ir folches wol gefallen/ vnd mich in Gunsten/  
wie bishero/ befohlen sein lassen. Datum Langingen 1. Maij Anno 1610.

E. E.

Dienstgelehrter  
Georg Brentel Mahler vnd Bürger daselbst.